

8. *Journal of the American Medical Association*, 2000; 284: 2669-2674.

100

書

蕉

陳繼儒
撰

中
華
書
局

叢書集成初編

筆

記（及其他一種）

中華書局出版發行

（北京王府井大街三十六號）

秦皇島市資料印刷廠印刷
一九八五年北京新一版

開本：七八七乘一〇九二毫米三十二分之一
統一書號：一七〇一八·一五一

此據寶顏堂秘笈
本排印初編各叢
書僅有此本

書
焦

書蕉卷上

華亭 陳繼儒撰

勿勿非勿勿

顏氏家訓云。勿勿非忽忽。亦非勿勿。說文云。勿。州里所建之旂。以趣民事者。凡言遽遽狀。皆稱勿勿。祭義云。勿勿諸其欲饗之也。勿勿猶勉勉也。杜樊川有詩云。浮生長勿勿。王廙帖云。臣故患句滿。氣上頓乏。勿勿。皆此意。

胎卵二族

至正時。史官熊太古經上都。過鵬窠站。站吏指站後山上一穴云。往年鵬窠其中。生三卵。一爲犬。一爲蛇。心切疑之。後於脫脫丞相家見一犬。坐客咸指此犬爲鵬窠所生。則知向者所聞不爲異也。

相馬

相馬經云。馬生下墮地無毛。行千里。尿舉一脚行五百里。蘭筋豎者千里。馬膝如團麴千里。馬一歲上下齒。二十四歲齒黃。三十二歲齒落不復出。

花刑

俗以開花風爲花韓扇。潤花雨爲花沐浴。至花老風雨斷送。蓋花刑耳。

楊用修

俗有規楊用修者。楊答書云。文有仗境生情。詩或托物起興。如崔延伯每臨陣。則召田僧超爲壯士歌。宋子景修史。使麗賢難橡燭。吳元中起草。令遠山磨險。是或一道也。走豈能執鞭古人。聊以耗壯心。遣餘年。所謂老顛欲裂風景者。良亦有以。不知我者。不可聞此言。知我者。不可不聞此言。

穎慧

人有穎慧。似由於學問。似不由於學問者。如介葛盧解獸語。公冶長及侯瑾。字子瑜。並解鳥語。李南解馬語。詹何聞牛鳴。知牛黑白。沈僧昭聽南山虎嘯。云。國有邊事。當選人丁。苟勗食飯。而知炊者之爲勞薪。乃故車軸脚也。符朗食雞。而知其栖之恒半露。

青嵐帶

陳陶詠竹詩。青嵐帶亞思君祖。綠潤偏多憶蔡邕。注。陳張君祖竹賦。青嵐運帶。碧空掃煙。蔡邕竹贊。綠潤碧鮮。甜文紫錢。

玉米田

歸州有玉米田。屈原耕此。產白米似玉。屈原耕田。人多不知。

膳脂虎

陸慎言。沉慘狡妬。吏民語曰。膳脂虎。

簾簾

唐李郢詩薄雪燕翁紫燕釵釵垂簾簾抱香懷簾簾下垂之貌又作麗麗

禹穴

石泉縣石紐村大禹生此石穴杳深人跡不到近世掘地得古碑有禹穴二字乃李白所書乃知會稽禹穴之誤

賈島詩

賈詩長江風送客孤館雨留人二句爲平生之冠全集不載坡詩注引用之

山獐

西方深山中有人焉其長尺餘袒身捕鰕蟹性不畏人見人止宿喜依其火以炙鰕蟹伺人不在而盜人鹽以食蟹名曰山獐其音自叫人常以竹箸火中爇燂音朴而山獐皆驚犯之令人寒熱

見生樹生

呂氏春秋五時見生而樹生見死而穫死言候農也見生樹生謂望杏敦耕瞻蒲勸穡也見死穫死謂靡草死而麥秋至草木黃落禾乃登也

浮丘

羅浮記云浮丘卽羅山朱明之門戶先在水中若浮丘然四面篙痕宛然末初有陳崇藝者年百二十歲

自言兒時見山根有船數十。今去海已四里矣。

鹽

海鹽凡六路。池則陝西解州。解與安邑兩池。井則川陝四路。胡中出於木石。色青白紅紫黑皆有。東方曰斥。西方曰鹽。河內曰鹹。王渾傳。甜者曰飴。

蝦蟆

蝦蟆。百粵以爲上味。疥者皮最佳。云不可脫去此錦襖子。

五漏

夜漏五五相遞爲二十五。唐李郢詩云。二十五聲秋點長是也。至宋世國祚長短識。有寒在五更頭之忌。宮掖及州縣更漏。皆去五更後二點。又并初更去其二以配之。首尾止二十一點。非古也。今猶沿之。

御史灘

灘在嵩縣。前臨大溪。每僚佐有人臺者。卽水中灘出。唐牛僧孺爲縣尉。忽報灘出。左右曰。若是西臺。當有鵝鵝一雙。未幾雙鵝鵝飛下。僧孺果拜西臺。客有舉此事者。余曰。灘是驗其官耳。若奇章入西臺。當以鵝鼻應之。坐客皆笑。

護門草

王筠寓直詩。霜披守宮槐。風驚護門草。特類志曰。護門草出常山。取實戶下。或有過其門者。草必吐之一

名百靈草。

扶竹

武林山西舊有雙竹院。中所產脩篁。嫩篠皆對抽並胤。王子敬竹譜所謂扶竹。嘗猶海上之桑。兩兩相比。謂之扶桑也。

君遷樹

文選蜀都賦。平仲君遷皆木名。註缺。按司馬溫公名苑云。君遷子如馬妳。俗云牛妳柿是也。今之造扇用此柿油。可補選註

簾

篆文二鳥曰雛。三鳥曰雛。音戢。三鳥相聚其音戢戢也。

白鳥

水經注江陵古岸有李姥浦。浦中偏無蚊蚋之患。梁元帝金樓子云。荊州高齋。夏月無白鳥。余亟寢處其中。及移他齋。則蚊聲如雷。數丈之間。如此之異。白鳥蚊也。

庾杲之

杲之清貧自勵。王儉領吏部。用爲長史。蕭緬遺儉書曰。庾景行泛綠水。依芙蓉。何其麗也。時人以儉府爲蓮花池。故云。其用事僻逸可愛。

玄的

釋名云天子諸侯姬妾以次進御有月事更不口說以丹注面的爲識令女史見之王粲神女賦脫桂棠免簪笄施玄的結羽斂卽釋名所云也玄的藝文類聚作華的

蕭子雲

晉陸蕭子雲正隸初學大令晚摹鍾太常子雲出麾東陽百濟國使人望舟落膝正書停舟書三日而去

金枷

唐吐蕃作金枷欲必得渾瑊

輕容

齊東野語云紗之至輕薄者曰輕容卽今之銀條紗是也王建宮詞嫌羅不着愛輕容李賀詩蜀烟飛重錦峽雨泐輕容是也

刺閨

梁戴嵩從軍行云長安夜刺閨夜有急投刺於宮門

木偶

王弼注易刻木偶爲鄭玄象見其所誤輒呵叱之

李陽冰

陽冰字少溫。見於宣和書譜。或以爲陽冰卽李潮之字。

李白

杜子美詩汝與東山李白好蓋白嘗客遊以擊妓自隨效安石風流自處東山李白故杜云然世作大明一統志遂以白入東山人物考而引杜詩爲証實陋甚矣

太白生於蜀之昌明縣青蓮鄉。昌明卽今之彰明也。讀書縣南之匡山。鄭谷送人入蜀詩。雪下文君沽酒市。雲藏李白讀書山是也。後竟終於採石。病革猶以詩草託友人。捉月之說。流傳誤矣。

蘇綽服制

後周皇帝后服制。受繭則服鷲衣。聽女教則服鶉音衣。歸甯則服鵠音衣。蓋蘇綽所制。而鶉鵠亦惟此見之。

精鑿粹

舂米一石。得四斗曰精。得三斗曰鑿。得四斗曰粹。

流蘇

五彩同心而下垂者曰流蘇。晉書割流蘇爲馬幃。皆後世幃帳間所懸耳。蓋古者樂器之節。而後世用爲幃帳之飾。自晉以後始也。

餐玉法

李預羨古人餐玉法。乃採訪藍田。得若環碧雜器形者。大小百餘。皆光潤可玩。預乃椎七十枚爲屑。食之經年。云有效驗。及死。體色不變。其妻以玉珠二枚含之。口閉。謂曰。君自云餐玉有神驗。何不受含。言訖齒

敗納珠。因噓其口。都無穢氣。

越紐

越絕書後篇隱語云。以去爲姓。得衣乃成。謂袁也。又曰厥姓有口。承之以天。也。吳論衡按書篇云。臨安袁太伯。袁文術。會稽吳君高。豈即其人乎。又曰高君之越紐書。絕與紐相近。疑卽越絕字。

萬歲夜

姚寬注戰國策。楚王遊雲夢。謂安陵君曰。樂矣。今日之遊。千秋萬歲後。誰與樂此矣。安陵君泣下數行曰。萬歲夜。願以身試黃泉。夜如左傳注。寃窆厚夜之夜。最見人臣不敢斥言之意。今本改夜作後。不見古人立言之妙。

摘瓜手

唐太宗瀛洲十八人。許敬宗乃得與。如摘瓜手耳。取之既多。其中不容無濫。

滅明

李龍眠所畫七十二弟子像。滅明猛毅甚於子路。則夫子所謂失之子羽者。謂其貌武行儒耳。又按渡河投壁斬蛟。則勇又不下季路也。

讀書

董仲舒讀書三年。不窺園。法真趙里皆歷年。桓榮十五年。何休十七年。

醒酒石

李文饒平泉草木記。以吾平泉一草一木與人者。非吾子孫也。後讀五代史。至張全義監軍。與其孫延古爭醒酒石。全義殺之。延古守祖戒。因以殺身。亦何足貴焉。

苦樂龍

福龍優樂過逾於人。薄福諸龍日苦熱沙搏身。爲諸小蟲之所咬食。又如人間畜生。驅策鞭打。擔輕負重。馳騁走使。不得自在。

外國乞文

梁使臣至吐谷渾。見牀頭數卷。乃劉孝標集。大曆中。秋羅國上書。請以蕭夫子顯爲師。元和中。雞林賈人鬻元白詩。云東國宰相以百金易一篇。僞者輒能辨。元豐中。契丹使人。俱能誦蘇子瞻文。洪武中。日本安南俱上書。以金幣乞宋景濂碑文。嘉靖初。朝鮮上言。願頒示關西呂某文以爲式。所謂一解不如一解。

山

東坡歌云。青山偃蹇如高人。常時不肯入官府。高人自與山有素。不待招邀滿庭戶。太白歌云。猶人張網罟。不能挂龍虎。所以青雲人。高歌在巖戶。

枳根子

枳根子。美如飴。能令酒味薄。若以其木爲屋柱。屋中酒俱薄。

相思子

相思子有蔓生者。與龍腦相宜。能令香不耗。搜神記云。韓朋墓木也。

禽經

禽經云。風翔則風。風處類也。雨舞則雨。雨商羊也。霜飛則霜。霜鷦鷯也。露晞則露。露鶴也。四名甚奇。又以
肫識風。以鼉識雨。肫江豬也。鵲知風。蜩知雨。

鳥有知

陳所敏云。鵲鵲能勑水。故水宿之物莫能害。啄木遇蠹穴。能以嘴畫字成符。蠹魚自出。鴉有隱巢。故鷺鳥
莫能見。燕銜泥常避戊巳。故巢不傾。鶴有長水石。能於巢中養魚。而水不涸。燕惡艾。雀欲奪其巢。卽銜艾
置巢中。燕逐避去。此皆鳥之有智者也。

九福

天下有九福。京師錢福。眼福。屏帷福。吳越口福。洛陽花福。蜀川藥福。秦隴案馬福。燕趙衣裳福。美女福。

刀筆銘槧

上古結繩而治。二帝以來。始有簡策。以竹爲之。而書以漆。或用版。以鉛畫之。故有刀筆鉛槧之說。

荒朝

陳情表有少仕僞朝之句。責備者謂其篤於孝而妨於忠。嘗見佛書引此文。僞朝作荒朝。蓋密之初文也。

僞字蓋史改之以入史耳。劉靜修詩：若將文字論心術，恐有無邊受屈人。指此類耳。近世趙弘道作令伯祠記，辨僞朝字，惜未見此。

平楚

謝朓詩：寒城一以眺，平楚正蒼然。楚叢木也。登高望遠，見木杪如平地，故云云。卽詩所謂平林也。

宰我子賤

史記：宰我爲齊相，作亂夷其宗。韓非難言篇：宰予不免於田常。又云：宓子賤西門豹不鬪而死人，則二君亦不良死。

百獸羈

唐中宗朝，安樂公主令尙方採一百獸毛爲羈，視之各見本獸形。

張去疾

荀子：韓之張去疾，篡臣也。按去疾乃張良之祖，然則去疾亂韓，而良爲韓，克蓋前愆者也。

不夜城

齊地記云：不夜城在陽廷東南。古有日夜出，此城以不夜名，異之也。按班史云：有如日夜出，此城是時城方成耳。

潤家錢

南溪地狹力弱。州縣時會僚屬。不設席而分饋阿堵。號潤家錢。

吳鈞

吳人殺二子。釐成二鈞。二子名吳鴻。扈稽。

四皓

東園公姓唐名秉字宜明。綺里季姓吳名實字子景。夏黃公姓崔名廣字少通。用里先生姓周名術字元道。隱商洛山爲四皓。

楊秉

楊秉震中子。官太尉。有直聲。性不飲酒。早喪夫人。不復娶。所在以廉稱。秉嘗曰。我有三不惑。酒色財也。震畏四知。秉去三惑。亦楊氏佳對。

鱷魚

鱷魚四足。黃身修尾。其形如鼉。舉止趨疾。口啗鋸齒。往往爲人害。鹿行崖山。羣鱷鳴吼。鹿必怖懼落崖。爲鱷所得。

水梭花

僧家謂魚爲水梭花。

朱絲欄

李白嘗召入賦宮體詩。下筆醉甚。上令宮人張朱絲以欄。

記里鼓

記里鼓。宋書不著。作劉宋高祖平姚泓所得。每一里。木人擊鼓一槌。

龍領髻所織

李羸遇神女。遺以正素。云蛟須所織。後胡人以三百萬易之。曰。此龍領髻所織。三十小劫方斷一綜。

馴馬

車二馬爲陌。三馬爲駟。四馬爲駟。

撾鼓

鼓三百三十三槌爲一通。鼓止角動。十二聲爲一疊。昏鼓四通爲大鼓。半夜三通爲晨戒。旦明三通爲發。眊。

運斤

木匠總號運斤之藝。又曰手貨手民。

章綬

章綬官翰林學士。德宗嘗幸其院。綬方寢。學士鄭絪欲馳告之。上不許。時適天寒。以從妃蜀縠袍覆之而去。其寵渥如此。